



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Amor, & Desiderium Cæli.

**urn:nbn:de:hbz:466:1-45396**

non peregre constitutus properaret in Patriam regredi? Quis non ad suos navigare festinans, ventum prosperum cupidius optaret, ut velociter, charos liceret amplecti? Patriam nostram paradysum computamus: parentes Patriarchas habere jam cepimus: quid non properamus, & currimus, ut patriam nostram videre, ut parentes salutare possimus? Magnus illic nos chororum numerus expectat: parentum, fratrum, filiorum, frequens nos, & copiosa turba desiderat: jam de sua immortalitate secura, & adhuc de nostrâ salute sollicita. Ad horum conspectum, & complexum venire, quanta & illis, & nobis in commune letitia est? Qualis illic caelestium regnorum voluptas, sine timore moriendi, & cum aternitate vivendi? quam summa, & perpetua felicitas? Illic Apostolorum gloriosus chorus: illic Prophetarum exultantium numerus: illic Martyrum innumerable populus, ob certaminis, & passionis victoriam coronatus. Triumphantes illic Virgines, que concupiscentiam carnis, & corporis, continentiae robore subegerunt. Remunerati misericordes, qui alimentis, & largitionibus pauperum, justitiae opera fecerunt: qui Dominica praecepta servantes, ad caelestes thesauros terrena patrimonia transtulerunt. Ad hos Fratres dilectissimi, avidâ cupiditate properemus, ut cum his citò esse, ut citò ad Christum venire contingat, optemus. Ex Libro de Mortalitate.

### Amor & Desiderium Caeli.

O Caelum, toto me, desidero te.  
 O Caelum Caeli, toto me anhelò ad te.  
 O Caelum caelans: toto me festino ad te.

O Do

O Domus DEI, quando inhabitabo te?

O Ingens Locus habitationis Dei quando capies me?

O Terra Viventium, quando vivam in te?

O Patria, quando revertar ad te?

O Gaudium Domini mei, quando intrabo in te?

O Civitas DEI, quando Civis tuus ero?

O Jerusalem quæ sursum es, Mater nostra, quando videbo & inibo Claritatem tuam?

O Terra promissionis: quando veniam ad te?

O Templum Domini: quando visitabo te?

O Letantium habitatio: quando letabor in te?

O Regnum Pacis: quando pacificabor in te?

O Hereditas, quando hereditabo te?

O Tabernaculum admirabile: quando ingrediar te?

O Regnum Dei: quando regnabis in me: & regnabo in te?

O Beatorum Sedes: quando & ego sedebo in te?

O Christi & Sanctorum Hereditas: quando possidebo te?

O quæ edificaris ut Civitas: quando inserar structure tuæ?

O Paradisus, quando incolam te?

O Portus, quando tenebo te?

O Bravium, quando apprehendam te?

O Corona Justitiæ: quando coronabis me?

O Regio Beatitudinis: quando beatificabis me?

O Sion: quando videbo Deum deorum in te?

O Pulchritudo Pacis: quando exornabis me.

O Tabernaculum fiduciæ: quando in te securus ero?

O Requies opulenta, quando ditabis me?

O Vita perennis fons: quando satiabis sitim meam?

O gloria Dei: quando glorificabo te, & glorificabor in te?

O Tor-

- O Torrens voluptatis: quando patabis me?  
 O Civitas Magni Regis: quando conscribar in te?  
 O Cœna Magna: quando accumbam ad te?  
 O Denarius diurnus: quando redderis mihi?  
 O Fluvius Pacis: quando immitteris in me?  
 O Diluvium: quando te Dominus inhabitare faciat  
 in me?  
 O Vitæ fontes aquarum: quando deducar ad vos?  
 O Ubertas Domus Dei: quando inebriabor abste?  
 O Gloria Domini: quando apparebis ad satiandum  
 me?  
 O Meridies: quando pascar, quando cubabo  
 in te?  
 O Terra lacte & melle manans: quando inducar  
 in te?  
 O Possessio æterna: quando adibo te?  
 O Beata æternitas: æterna Beatitudo: quan-  
 do perennabo in Te?

